



საჯარო სამართლის იურიდიული პირი
იაკობ გოგებაშვილის სახელობის თელავის სახელმწიფო უნივერსიტეტი

საჯარო სამართლის იურიდიული პირი
იაკობ გოგებაშვილის სახელობის თელავის სახელმწიფო
უნივერსიტეტის რექტორის

ბ რ ძ ა ნ ე ბ ა N 1/508

„10“ „07“ 2018 წ.

ქ.თელავი

სსიპ იაკობ გოგებაშვილის სახელობის თელავის სახელმწიფო უნივერსიტეტში
2018-2019 სასწავლო წლის შემოდგომის სემესტრში გარე მობილობის წესით
გადამსვლელ პირთათვის რეგისტრაციის ვადების განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2010 წლის 4 თებერვლის N10/5 ბრძანების, „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის დამტკიცების შესახებ“, საქართველოს განათლებისა და მეცნიერების მინისტრის 2013 წლის 3 სექტემბრის ბრძანება №122/5 საჯარო სამართლის იურიდიული პირის – იაკობ გოგებაშვილის სახელობის თელავის სახელმწიფო უნივერსიტეტის წესდების მე-14 მუხლის მე-8 პუნქტის „ა“ ქვეპუნქტის, სსიპ იაკობ გოგებაშვილის სახელობის თელავის სახელმწიფო უნივერსიტეტის სასწავლო პროცესის მარეგულირებელი წესის შესახებ დებულების მე-3 მუხლისა და უნივერსიტეტის ხარისხის უზრუნველყოფის სამსახურის ხელმძღვანელის შალვა ჭკადუას სამსახურებრივი ბარათის (10/07/2018წ; N891879) საფუძველზე

ვ ბ რ ძ ა ნ ე ბ ა:

1. სსიპ იაკობ გოგებაშვილის სახელობის თელავის სახელმწიფო უნივერსიტეტში 2018-2019 სასწავლო წლის შემოდგომის სემესტრში გარე მობილობის წესით გადამსვლელ პირთათვის რეგისტრაციის ვადები განისაზღვროს შემდეგი გრაფიკით:

- გარე მობილობის პროცესში მონაწილე პირთათვის განცხადებისა და პირადი საქმის ასლების წარდგენის ვადები განისაზღვროს 2018 წლის 17 აგვისტოდან 2018 წლის 31 აგვისტოს 16⁰⁰- საათის ჩათვლით;
 - გარე მობილობის პროცესში მონაწილე პირთათვის წერილობითი თანხმობის წარდგენის ვადები განისაზღვროს 2018 წლის 17 აგვისტოდან 2018 წლის 3 სექტემბრამდე 16⁰⁰- საათის ჩათვლით;
 - უნივერსიტეტის ფაკულტეტების მიერ გარე მობილობის დასკვნების უნივერსიტეტის კანცელარიაში წარდგენის ვადები განისაზღვროს 2018 წლის 20 აგვისტოდან 2018 წლის 5 სექტემბრის 16⁰⁰- საათის ჩათვლით;
 - უნივერსიტეტის ხარისხის უზრუნველყოფის სამსახურიდან სტუდენტთა გარე მობილობის შედეგები წარმოდგენილ იქნას 2018 წლის 10 სექტემბრის ჩათვლით;
 - გარე მობილობის წესით ჩასარიცხ პირთა შესახებ თესაუ-ს სამართლებრივი აქტის პროექტი სსიპ განათლების ხარისხის განვითარების ეროვნულ ცენტრში წარდგენილ იქნას 2018 წლის 11 სექტემბრის ჩათვლით.
2. დაევალოს უნივერსიტეტის ფაკულტეტის დეკანებს 2018 წლის 11 ივლისიდან 2018 წლის 19 ივლისის ჩათვლით წარმოადგინონ შემოდგომის სემესტრის გარე მობილობის წესით ჩასარიცხ სტუდენტთათვის ვაკანტური ადგილების რაოდენობა;
 3. ბოლო ვაკანტურ ადგილზე, კონკურენციის შემთხვევაში, უპირატესობა მიენიჭება იმ სტუდენტს, რომელსაც ერთიან ეროვნულ გამოცდებზე მეტი ქულა აქვს მიღებული;
 4. ბრძანების ასლი გადაეცეს უნივერსიტეტის ფაკულტეტებს;
 5. ბრძანების ასლი გადაეცეს უნივერსიტეტის ხარისხის უზრუნველყოფის სამსახურს;
 6. ბრძანების ასლი გადაეცეს უნივერსიტეტის საფინანსო სამსახურს;
 7. ბრძანება ძალაშია ხელმოწერისთანავე;
 8. ბრძანება შეიძლება გასაჩივრდეს დაინტერესებული პირის მიერ მისი გაცნობიდან ერთი თვის ვადაში თელავის რაიონულ სასამართლოში (მის: ქ.თელავი, დავით აღმაშენებლის გამზირი N 41).

უნივერსიტეტის რექტორი:



/ირმა შიოშვილი/